

通志卷一百四十八

澤前名

宋 右迪功郎 鄭樵 漁仲 撰

列傳第六十一

後魏

盧元子度世度世子淵淵子道將道將子

昶昶子元明元明元從祖元孫文偉元族孫同

父叔高允高允從祖弟祐祐推弟燮劉模允

崔鑒子崔辯子逸逸子巨崔挺子孝芬孝芬弟

孝偉孝直孝直孝政挺李靈李靈李璨

弟振挺族子纂纂族子游挺李靈李靈李璨

李順

子敷式子憲

敷弟式

李孝伯

父曾子安世

兄祥

祥

瑒瑒弟郁

李裔

族父

李義深

弟同軌

游雅

從祖弟明根明根子肇

高閭

趙逸

胡方回

胡叟

張湛

段承根

父宗欽

闕駟

劉昞

趙柔

索敞

陰世隆

宋繇

江式

盧元字子真范陽涿人也曾祖諡晉司空劉琨從事中
郎祖偃父邈並仕慕容氏偃爲營邱太守邈爲范陽太
守皆以儒雅稱神廡四年太武辟召天下儒儁以元爲
首授中書博士遷侍郎本州大中正使馮弘令弘稱臣

內附司徒崔浩元之外兄也每與元言輒歎曰對子真使我懷古之情更深浩大欲齊整人倫分明姓族元勸之曰創制立事各有其時樂爲此者詎幾人也宜三思之浩當時雖無異言而終不納浩敗頗亦由此後賜爵固安子拜寧朔將軍兼散騎常侍使宋宋文帝與之言嘉歎良久曰中郎卿曾祖也旣還病卒贈平東將軍幽州刺史固安侯諡曰宣子度世字子遷幼而聰達有計數爲中書學生應選東宮弱冠與從兄遐俱以學行爲時流所重遐特爲崔浩所敬位至尙書光祿大夫范陽

子度世後以崔浩事棄官逃於高陽鄭羆家羆匿之使者囚羆長子將加捶楚羆戒其子曰君子殺身以成仁汝雖死勿言子奉父命遂被拷掠灼爇至死卒無所言度世後令弟娶羆妹以報其恩太武臨江宋文使其殿上將軍黃延年朝貢帝問延年曰范陽盧度世坐與崔浩親通逃命江表應已至彼延年對曰都下無聞當必不至帝詔東宮赦度世宗族逃亡及籍沒者度世乃出赴京拜中書侍郎襲爵興安初兼太常卿立保太后父遼西獻王廟進爵爲侯後除散騎侍郎使宋應對宋侍

中柳元景失衷還被禁劾經年乃釋除濟州刺史州接
邊境將士數相侵掠度世乃禁勒所統還其俘虜二境
以甯後坐事免尋除青州刺史未拜卒謚曰惠四子淵
敏昶尙之初元有五子唯度世嫡餘皆別生崔浩事難
其庶兄弟恆欲危之度世常深忿恨及度世有子每誠
約令絕妾孽不得使長以防後患至淵兄弟婢妾生子
雖形貌相類皆不舉接爲識者所非淵字伯源小名陽
烏性溫雅寡欲有祖父風敦尙學業閨門和睦襲爵降
爲伯累加祕書監本州大中正時孝文帝將立馮后先

問淵淵請加簡卜帝曰以先后之姪朕意已定淵曰雖奉勅如此然臣心實有未盡及朝臣集議執意如前馮誕有盛寵深以爲恨淵不以介懷及孝文議伐齊淵表以爲萬乘親戎轉運難繼詔雖不從而優答之尋以齊武帝殂停師時涇州羌叛殘破城邑淵以步騎六千號三萬徐行而進未經三旬賊眾逃散降者數萬口唯梟首惡餘悉不問詔兼侍中初淵年十四嘗詣長安將還餞送者五十餘人別於渭北有相者扶風人王達曰諸君皆不如此盧郎雖位不副實然得聲名甚盛望踰公

輔後二十餘年當制命關右願不相忘此行也相者年過八十詣軍門請見言敘平生未幾守儀曹尙書及齊雍州刺史曹虎請降乃以淵爲使持節安南將軍督前鋒諸軍徑赴樊鄧辭以儒生不閑軍事帝不許淵曰臣恐曹虎爲周魴耳陛下宜審之虎果僞降淵乃進攻赭陽師敗坐免官爵尋遭母憂服闋兼太尉長史後爲徐州刺史京兆王愉兼長史愉時年少事無巨細皆決於淵淵以誠信御物甚得東南人和南徐州刺史沈陵密謀叛淵屢以表聞朝廷不納陵果逃叛陵之餘黨淵皆

撫而赦之唯歸罪於陵由是眾心乃安景明初卒於祕
書監年四十八贈幽州刺史復本爵固安伯謚曰懿初
謚父志法鍾繇書傳業累世世將能名至邈以上兼善
草迹淵習家法代京宮殿多淵所題白馬公崔宏亦善
書世傳衛瓘體魏初工書者崔盧二門淵與僕射李沖
特相友善沖重淵門風而淵私沖才官故結爲婚姻往
來親密至於淵荷孝文意遇頗亦由沖淵有八子道將
道亮道裕道虔道偁道約道和道舒道將字祖業應襲
父爵而讓第八弟道舒詔不許道將引清河王國常侍

韓子熙讓弟采魯陽男之例詔乃許之道將涉獵經史
風氣審諤頗有文才爲一家之冠諸父並敬憚之彭城
王勰任城王澄皆虛襟相待勰爲中軍大將軍辟行參
軍累遷燕郡太守道將下車表樂毅霍原之墓爲之立
祠優禮儒生勵勸學業敦課農桑墾田歲倍卒於司徒
司馬贈太常卿謚曰獻所爲文筆數十篇子懷祖太學
博士員外散騎侍郎子莊少有美名位都水使者卒官
懷祖弟懷仁字子友涉學有辭性恬靜蕭然有閑雅致
歷太尉記室弘農郡守不之官卜居陳留界所著詩賦

銘頌二萬餘言撰中表實錄二十卷懷仁有行檢善與人交與琅邪王衍隴西李壽之情好相得常語衍云昔太邱道廣許邵知而不顧嵇生峭立鍾會遇而絕言吾處季孟之間去其太甚衍以爲然子彥卿有學尙仕隋位御史撰後魏紀三十卷唐貞觀中位石門令東宮學士道將弟道亮字仲業隱居不仕思道列在隋史道亮弟道裕字甯祖少以學尙知名風儀兼美尙獻文女樂浪長公主拜駙馬都尉歷位中書侍郎太子中庶子幽州大中正卒於涇州刺史謚曰文道裕弟道虔字慶

祖粗閑經史兼通算術尙孝文女濟南長公主拜駙馬
都尉公主驕恣辱穢遐邇無疾暴薨時云道虔所害宣
武祕其事不苦窮之後靈太后追主薨事黜道虔令終
身不仕道虔外生李彧尙孝莊姊豐亭公主因相藉託
永安中除輔國將軍通直常侍以議厯勳賜爵臨淄伯
天平中厯都官尙書本州大中正幽州刺史加衛大將
軍卒官贈尙書右僕射司空公瀛州刺史謚曰文恭道
虔好禮學難齊尙書令王儉喪服集記七十餘條爲尙
書與同僚於草屋之下設雞黍之饌談者以爲高昧旦

將上省必見其弟然後去奴於馬上彈琵琶道虔聞之
杖一百公主二子昌寓昌仁昌寓不慧昌仁早卒道虔
又娶司馬氏有子昌裕後司馬氏見出更聘元氏甚聰
悟常升高座講老子道虔從弟元明隔紗帷以聽焉元
民生二子昌期昌衡昌衡最知名列在隋史道虔弟道
偁字希祖沈雅有學尙位州主簿卒以弟道約子正達
爲後道偁弟道和字叔雍兄弟之中人望最下位冀州
中軍府中兵參軍卒子景猷弘農太守景猷子士彥有
風槩隋開皇中爲蜀王秀屬以秀所爲不軌辭疾終於

家道和弟道約字季恭位司徒屬幽州大中正興和末
除衛大將軍兖州刺史在州頗得人和卒贈儀同三司
幽州刺史子正通少有令譽位開府諮議卒妻謝氏與
正通弟正思淫亂爲御史所劾人士疾之正思弟正山
字公順早以文學見知爲符璽郎待詔文林館正思兄
弟以齊太后舅氏武平中並得優贈道約弟道舒字幼
安襲父爵位中書侍郎子熙裕襲熙裕清虛守道有古
人風爲親表所敬淵弟敏字仲通小字洪崖少有大量
孝文器之納其女爲嬪位儀曹郎早卒贈威遠將軍范

陽太守謚曰靖五子長義儔字遠慶早有學尙識度沈雅年九歲喪父便有至性少爲僕射李冲所歎美起家祕書郎累遷冠軍將軍中散大夫以母憂去職幽州刺史王誦與之交款每與故舊李神儁等書曰盧冠軍在此時復惠存輒連數日得以諮詢政道其見重若此後除征虜將軍太中大夫散秩多年澹然自得李神儁勸其干謁當塗義儔曰旣學先王之道貴行先王之志何得苟求富貴也孝昌中除散騎常侍時靈太后臨朝黃門侍郎李神軌勢傾朝野求結婚姻義儔慮其必敗拒

而不許王誦謂義僖曰昔人不以一女易五男卿易之
邪義僖曰所以不從正爲此耳從之恐禍大而速誦乃
堅握義僖手曰我聞有命不敢以告人女遂適他族臨
婚之夕靈太后遣中常侍服景就家勅停内外惶怖義
僖夷然自若普泰中除都官尙書驃騎大將軍左光祿
大夫義僖寬和畏慎不妄交款性清儉不營財利少時
幽州頻遭水旱先有數萬石穀貸人義僖以年穀不熟
乃燔其券州閭懷其恩德雖居顯位每至困乏麥飯蔬
食怡然甘之卒贈大將軍儀同三司瀛州刺史謚曰孝

簡子遜之清靖寡欲位太尉記室參軍義僖四弟並遠
不逮兄也敏弟昶字叔達小字師顏學涉經史早有時
譽太和初爲太子舍人兼員外散騎常侍使於齊孝文
詔昶曰卿使至彼勿存彼我密邇江揚不早當晚會是
朕物卿等欲言便言無相疑難又勅副使王清石曰卿
莫以南人語致疑慮昶若彼先有知識欲見但見須論
卽論昶正寬柔君子無多文才或主客命卿作詩莫以
昶不作便罷也凡使人之體以和爲貴勿迭相矜夸見
於色貌失將命之體卿等各率所見以相規誨及昶至

彼值齊明帝卽位於是孝文南伐昶兄淵爲別道將軍而齊明以朝廷加兵遂酷遇之昶等本非骨鯁聞南人云兄旣作仇弟爲使者乃大恐怖淚汗交橫齊明以腐米臭魚莖豆供之而謁者張思甯辭氣謇諤曾不屈撓遂以壯烈死於館中昶還孝文責之曰銜命之禮有死無辱雖流放海隅猶宜抱節致殞卿不能長纓羈首已是可恨何乃俛首飲啄自同犬馬有生必死修短幾何卿若殺身成名貽之竹素何如甘彼芻菽以辱君父乎縱不能遠慙蘇武甯不近愧思甯昶遂見罷黜景明初